




**Republika e Kosovës**  
Republika Kosovo - Republic of Kosovo  
**Autoriteti i Konkurrencës**  
Autoritet za Konkurenciju - Competition Authority



Nr. 32/2024

Datë: 20.03.2024

Mbështetur në nenin 11 paragrafi 1, 2 dhe 3 me nën paragrafët 3.1 dhe 3.2, neni 13 paragrafi 1.1 me nën paragrin 1.2, neni 15, neni 20 paragrafi 1 me nën paragrin 1.2, neni 26 paragrafi 1.2, neni 27 paragrafi 2, neni 36 paragrafi 1 dhe 3 me nën paragrin 3.1, neni 37, neni 38, neni 39 si dhe neni 55, paragrafi 2 me nën paragrin 2.1 i Ligjit Nr. 08/L-056 për Mbrojtjen e Konkurrencës (*Gazeta zyrtare Nr.14/7 e dt. 07.06.2022*); Sekretariati i Autoritetit të Konkurrencës duke vepruar sipas detyrës zyrtare, ka kryer shqyrtimin paraprak të hetimit lidhur me dyshimin e bazuar se ndërmarrjet Devolli Corporation Sh.p.k. dhe Kujtesa Net Sh.p.k. kanë realizuar shitblerje të aksioneve në tregun përkatës, për të cilat përmbushet detyrimi ligjor për njoftimin e përqendrimit, me këtë rast Komisioni i Autoritetit të Konkurrencës në mbledhjen e mbajtur me datën 20.03.2024, nxjerr:

### K O N K L U Z I O N

për fillimin e procedurës hetimore ndaj:

- I. Ndërmarrjeve **Devolli Corporation Sh.p.k.** – Shoqëri me Përgjegjësi të Kufizuar, me numër unik identifikues: 810407454 me adresë: Zahir Pajaziti- Pejë, si dhe **Kujtesa Net Sh.p.k.** – Shoqëri me Përgjegjësi të Kufizuar, me numër unik identifikues: 810547862 me adresë: Preoc, km i 7-të Magjistralja, Prishtinë Ferizaj, për shkak të dyshimeve të bazuara se të njëjtat kanë realizuar shitblerje të aksioneve në tregun përkatës, për të cilat përmbushet detyrimi ligjor për njoftimin e përqendrimit.
- II. Autoriteti i Konkurrencës kërkon nga ndërmarrjet e lartcekura, si në dispozitivin **I** të këtij konkluzioni që në afat prej **30 ditësh** t'i sjellin në zyrat e Autoritetit këto dokumente:
  - a) Marrëveshja (*kontrata*) për shitblerjen e aksioneve;
  - b) Gjendjet e llogarive bankare nga viti 2019 deri më sot, 20.03.2024, në të gjitha bankat brenda dhe jashtë vendit;
  - c) Statutin e ndërmarrjes dhe dokumentet përcjellëse në ARBK.
- III. Në rast se palët në procedurë nuk i dorëzojnë komentet dhe dokumentet e kërkuar si në dispozitivin **II** të këtij konkluzioni apo dorëzojnë dokumente të pa-sakta apo të rrreme, Autoriteti do të konstatojë shkeljen e këtij ligji dhe do t'u shqiptojë palëve në procedurë sanksionin administrativ deri në 1% të qarkullimit të përgjithshëm që ndërmarrjet kanë realizuar në tërë botën në vitin e fundit përfundimtar rapporti financiar dhe

pastaj do të vazhdojë procedurën hetimore duke i përdorur instrumentet tjera ligjore të përcaktuara me Ligjin për Mbrojtjen e Konkurrencës.

IV. Ky konkluzion hyn në fuqi ditën e nënshkrimit nga ana e Komisionit.

## A r s y e t i m

---

Autoriteti i Konkurrencës i Republikës së Kosovës, ka filluar monitorimin e tregut sipas detyrës zyrtare duke u bazuar në të gjeturat nga dokumentacionet, nga shkrimet e botuara në mediat elektronike, rrjete sociale. Andaj, Autoriteti pas mbledhjes së informatave lidhur me dyshimet për transaksionet e realizuara, rrjedhimisht blerjes së aksioneve apo fitimit të kontrollit mbi ndërmarrjet tjera në tregun përkatës, për të cilat dyshohet se përbashin detyrimin për paraqitje të Njoftimit për Përqendrim, bazuar në nenin 11 dhe 13 të Ligjit Nr. 08/L-056 për Mbrojtjen e Konkurrencës (Gazeta zyrtare Nr. 14/7). Lidhur me këtë rast Sekretariati i Autoritetit të Konkurrencës është autorizuar për fillimin e monitorimit të tregut përkatës sipas detyrës zyrtare (*ex-officio*) në zbatim të nenit 36 paragrafi 1 si dhe paragrafi 3 me nën paragrafin 3.1.

### PALËT NË PROCEDURË:

Palët në procedurë të zhvilluar nga Autoriteti i Konkurrencës konsiderohen ndërmarrjet:

1. Devolli Corporation Sh.p.k. – Shoqëri me Përgjegjësi të Kufizuar dhe
2. Kujtesa Net Sh.p.k. – Shoqëri me Përgjegjësi të Kufizuar

### PËRSHKRIMI I GJENDJES FAKTIKE:

Autoriteti gjatë shqyrtimit paraprak të hetimit në tregun e telekomunikimeve dhe kabllore në territorin e Republikës së Kosovës, në bazë të informatave preliminare që posdon, ekziston dyshimi i bazuar se: ndërmarrjet Devolli Corporation Sh.p.k dhe Kujtesa Net Sh.p.k., kanë realizuar transaksione, përkatësisht Devolli Corporation Sh.P.k ka bërë blerjen e aksioneve të ndërmarrjes Kujtesa Net Sh.p.k , e cila vepron në tregun me aktivitetin primarë telekomunikimet kabllor.

Autoriteti konsideron se: Transaksionet/blerjet janë realizuar, pa e dorëzuar njoftimin e detyrueshëm për qëllimin e përqendrimit parashikuar sipas nenit 13 dhe 15 të Ligjit 08/L-056 për Mbrojtjen e Konkurrencës.

Bazuar në nenin 13 paragrafi 1 i Ligjit Nr. 08/L-056 për Mbrojtjen e Konkurrencës, parashihet së Pjesëmarrësit në përqendrim duhet t'i kërkojnë paraprakisht Autoritetit t'ua lejojë realizimin e përqendrimit të synuar nëse:

- 1.1. *pjesëmarrësit në përqendrim kanë mbi njëzet (20) milionë euro qarkullim të përbashkët në tregun ndërkombëtar dhe njëri pjesëmarrës në përqendrim ka mbi një (1) milion euro qarkullim në tregun e brendshëm; ose*
- 1.2. *së paku dy pjesëmarrës në përqendrim kanë mbi tre (3) milionë euro qarkullim në tregun e brendshëm.*

Autoriteti konsideron se çdo realizim i përqendrimit të ndërmarrjeve nga nen 13 i këtij ligji, pjesëmarrësit e përqendrimit janë të detyruar ta njoftojnë Autoritetin, kur plotësohen kushtet e

përcaktuara, gjithashtu neni 12 e përcakton shprehimisht se ndalohen përqendrimet që mund të shtrembërojnë ndjeshëm konkurrencën efektive, veçanërisht nëse përqendrimi i tillë ka si pasojë krijimin ose forcimin e pozitës dominuese, që nënkupton se lëndët e caktuara duhet t'i nënshtrohen paraprakisht vlerësimit nga Autoriteti i Konkurrencës.

Me rastin e vlerësimit për arsyeshmërinë e marrjes së Konkluzionit, Autoriteti merr parasysh të gjitha rrëthanat e rastit, veçanërisht peshën e dëmit që mund t'u paraqiten pjesëmarrësve të përqendrimit ose palëve të treta, si dhe efekteve të konkurrencës që mund të lindin nga zbatimi i këtij përqendrimi.

Andaj, nga sa u tha më lartë, Komisioni i Autoritetit të Konkurrencës i Republikës së Kosovës, duke u bazuar në nenin 37 të Ligjit Nr. 08/L-056 për Mbrojtjen e Konkurrencës, vendosi si në dispozitiv të këtij konkluzioni.

**Këshilla juridike:** Kundër këtij konkluzioni për fillimin e procedurës hetimore nuk është e lejuar ankesa as padia për inicimin e konfliktit administrativ.

### AUTORITETI I KONKURRENCËS Komisioni


**Neime Binaku - Isufi**

Kryetare



**Kaltrina Sela**  
Nënkyetare

**Florent Mehmeti**  
Anëtar  


**Nafije Osdautaj**  
Anëtar  


**Salihe Gashi Loku**  
Anëtar  


Me këtë KONKLUZION të njoftohen:

- Devoli Corporation Shpk;
- Kujtesa Net Shpk;
- Arkiva.